

新淦縣志卷二十一

各官目錄十條

漢吳

周瑜

晉

羅綏

宋

王懿

梁



黃法氈

隋

李子樂

唐

馬憲 李筠

宋

唐子靖 李潛 王益 張好古 汪杲

張運 俞廷椿 何洪 黃幹 高斯從

鄭噩

元

崔顯祖 李楫

明

曹行 夏璣 劉天錫 周崑 勞樟

陸美中 陳燦 樂舜賓 彭輅 夏大勳

李樂 黃應坤 楊宏科 曾陳易 朱邦貞

林恭章 周文 鄧林楠 劉拯 陳以運

周文允 楊昌周 陳旅 黃勳 向欽

劉子欽 岑景鍾 楊思乾 劉守謙 錢琦

國朝

高之彥 潘 岭 劉必暢 劉羽達 胡之琳

萬興倫 董謙吉 曾三接 施閏章

共計五十九名

新淦縣志卷二十一

名宦



循良列傳肇始於漢盤錯別其才械樸彰其教自公
瑾留齋勉作宰而後文經武緯之畧代不乏人第其
功烈均足師表後之君子化民成俗時地雖殊其績
豈異哉作名宦志

漢吳

周瑜字公瑾廬江舒人也長壯有姿貌孫堅子策與瑜
同年獨相友善建安三年策親自迎瑜授建威中郎將

時年二十四領江夏太守從策攻皖拔之得喬公兩女策自納大喬瑜納小喬復進尋陽破劉勳討江夏還定豫章廬陵雷鎮巴邛裴松之註策於時始得豫章廬陵尚未能定江夏瑜之所鎮應在今巴邛縣也與後所平巴邛不同 吳志

晉

羅綏未陽人嘗宰淦多善政後邑人楊羨出宰未陽引綏子含為主簿辭不獲乃就及羨歸含送至淦淦人思綏德多致贈於含含却不得乃受及歸悉置而去祀名宦祠 晉書

宦祠

晉書

宋

王懿字仲德武帝嘗伐廣固懿為前驅每戰輒勝帝與寇盧循戰於左蠡懿功冠諸將封新淦侯 南史

梁

黃法氈字仲昭巴山新建人少勁捷有膽力頗便書疏閑明簿領侯景之亂陳武帝入援建業命周文育屯西昌法氈遣勁兵助文育時法氈出屯新淦縣景遣行臺于慶來襲新淦法氈拒戰敗之武帝亦遣文育進軍討慶文育疑慶兵強未敢進法氈率眾會之因進克笙屯俘獲甚眾梁元帝承制授交州刺史資領新淦縣令封

巴山縣子仕陳歷征西大將軍加侍中進封義陽郡公
薨贈司空諡曰威祀名宦祠

陳書

隋

李子樂開皇十年令新淦廢石陽巴邨二縣入淦隸吉
州子樂以縣去州遠請遷南市村卽今治所相土卜築
於今攸賴祀名宦祠

府志

唐

馬憲者值黃巢之亂與鍾傳同起義兵於草澤僖宗封
傳爲南平王鎮江西授憲御史大夫俾守淦陽

李筠天祐十二年爲新淦縣令會建設都制置治所割
吉水新喻豐城三縣隸焉筠乃大興版築崇高城壁遂
屹爲雄鎮祀名宦祠

林志

宋

唐子靖山西人以孝廉令新淦州事端正簡默節義自
持後卒於任葬刻木山子孫因家焉居黃土坡韓振開
寶元年爲新淦都制置使以新定三縣事繁時樊知古
克採訪使振遂申乞以所屬刑獄關覆吉州而制置司
乃罷

林志

李潛字君行贛縣人令新淦邑豪有以賒貸倍息乾沒民產者潛嚴禁之時新立鹽法希望風旨者峻法奉行民甚苦之潛乃諭民願受者給或曰請無以身試法潛不爲動鹽法隨罷祀名宦祠

王益字損之安石之父判臨江軍吏人懷欺求判益輒閣筆郡有蕭灘舟子恆以腐舟渡人而敗益嚴禁之民免覆溺呼爲判官灘時諸豪大吏見其不可欺皆側目後率擠之出宰新淦邑復大治

張好古字敏求南康縣人元祐中知新淦蒞官勤敏革

弊舉廢以廉明稱

林志

汪杲紹興間授新淦令新學校淬勵諸生文風大振科第獨盛於他邑者杲之力也祀名宦祠

明二統志

張運字南仲貴溪人宣和進士調桂陽監遷潭州攸縣尉高宗南渡劇賊王在據岐山潭帥徵兵戍岳運將二千人先至岳賊平改新淦丞攝縣事運撥煨燼考版籍正租賦數月之間弊除而民定紹興五年通判鼎州累官至戶部侍郎祀名宦祠

宋史

俞廷椿字壽翁臨川人乾道進士知新淦縣廉介自持

見者皆喜其才服其敏愛其清

姓氏族譜

何洪慶元間令新淦事崇禮教弛鞭撻會邑大疫洪開
惠民局集醫人分部治療又增修養濟院以收無告民
甚德之

豫章書

黃幹字直卿福州閩縣人父瑀在高宗時爲監察御史
以篤行直道著聞瑀沒幹往見清江劉清之清之奇之
曰子乃遠器時學非所以處子也因命受業朱子幹家
法嚴重乃以白母卽日行時大雪旣至而朱子他出幹
因畱客邸臥起一榻不解衣者二月而朱子始歸幹自

見朱子夜不設榻不解帶少倦則危坐一椅或至達曙
朱子語人曰直卿志堅思苦與之處甚有益嘗詣東萊
呂祖謙以所聞於朱子者相質正及廣漢張栻亡朱子
與幹書曰吾道益孤矣所望於賢者不輕後遂以其子
妻幹寧宗卽位朱子命幹奉喪補將仕卽銓中授迪功
郎監台州酒務丁母憂學者從之講學於墓廬甚衆朱
子作竹林精舍成遣幹書有他時便可請直卿代卽講
席之語及編禮書獨以喪祭二編屬幹稿成朱子見而
喜曰所立規模次第纘密有條理他日當取所編家鄉

邦國王朝禮悉倣此更定之病革以深衣及所著書授
幹手書與訣曰吾道之託在此吾無憾矣訃聞幹持心
喪三年畢調監嘉興府石門酒庫時韓侂胄方謀用兵
吳獵帥湖北將赴鎮訪以兵事幹曰聞議者謂今天下
欲爲大舉深入之謀果爾必敗此何時而可進取哉獵
敬幹名德辟爲荆湖北路安撫司檄置酒庫兼準備差
遣事有未當必輸忠款力爭江西提舉常平趙希懌知
撫州高商老辟爲臨川令歲旱勸糶捕蝗極其力改知
新淦縣吏民習知臨川之政皆善不令而政行以提舉

常平郡太守薦擢監尙書六部門未上改差通判安豐
軍淮西帥司檄幹鞠和州獄獄故以疑未決幹釋囚桎
梏飲食之委曲審問無所得一夜夢井中有人明日呼
囚詰之曰汝殺人投之於井我悉知之矣胡得欺我囚
遂驚服果於廢井得尸後倅建康守漢陽聲聞益著諸
豪又深知幹侂儻有謀及求安慶且兼制幕長淮軍民
之心翕然相向此聲旣出在位者益忌且慮幹入見必
直言邊事以悟上意至是羣起擠之幹遂歸里弟子日
盛巴蜀江湖之士皆來編禮著書日不暇給夜與之講

論經理疊疊不倦借鄰寺以處之朝夕往來質疑請益如朱子時俄命知潮州辭不行差至管亳州明道官踰月遂乞致仕詔許之特授承議郎既沒後數年以門人請謚又特贈朝奉郎與一子下州文學謚文肅有經解文集行於世 宋史

高斯從四川

邛州

人魏了翁兄

高之子

高斯得之同懷兄弟蓋魏本高姓

出

繼魏氏治邑一年政行民服百廢具興邑志燬於兵火斯從採訪重修邑人曾宏正序之

鄭噩字仲友溫州之平陽人登紹興進士淦邑誅責厚

多逋負累令噩至盡甦邑病行捐賑邑以大治卒於官

元

崔顯祖字文質齊人以儒術飭吏治均差役賑凶厘民安其教而免於難令如疾風之偃草官滿受代淦民士作詩以頌美之吳澄為之序 草廬集

李楫字濟川鄱陽人自袁州經歷遷新淦州判官大德

壬寅至官丁未以代去佐州六年勤於政事平反鄰州

鄰縣疑獄者四朝廷命使者巡行天下臨江官吏獨楫

應對得宜使者嘉之蒞事明允有真見定力僉廉訪司

事李以楫廉潔詳慎薦之授江西等處行中書省照磨
淦人撫其治績勒之於石

吳文正集

明

曹行字仲修洪武初任新淦州知州事後州改縣復爲
縣令清慎持身勵精爲治嘗手書刻石曰行一分民受
賜一分要一錢便不值一錢今樹儀門左士民懷之祀
名宦祠

夏璣字德乾蘇州吳縣人天順間由進士令淦清正持
身平易近民有古良吏風遇大旱舉家齋肅徒步虔禱

霖雨輒應擢監察御史多所建白祀名宦祠

明一統志

劉天錫廣西之桂林人由舉人知新淦縣正德壬申土
寇倡亂邑東南數十里悉爲巢穴奏請大兵討平之邑
舊沿土城甃磚崇堞民獲安堵後擢別駕去

周崑字孟登浙江崇德縣人嘉靖四年進士先令兩邑
有惠政補淦專務德化聽訟不鈎棘令民悔服有堅操
首惇禮教閱練公子寧忠愍遯祀五代事詳手撰祭文
辭中先賢懿跡若黃勉齋祠陶母墓圯者皆修治之三
月淦民驩頌行取給事中有三令集

勞樟浙江崇德縣舉人嘉靖十二年令淦性樸才練爲政務慈愛督賦明罰適於寬猛塞于祈除浮費民受隱福迎候梓官夫征不擾任八年如一日秩滿行民繫思焉終吉安同知祀名宦祠

陸美中浙江之餘姚人由進士知新淦縣有雅量會學宮圯諸生疏當路屬公領其事鼎新經畫工費不下千餘歛不及民舊學基爲民侵占者悉規復之陞南工部主事終按察司副使祀名宦祠

陳燦字德潤巴陵人嘉靖辛丑進士授新淦令謹身率下吏不敢干以私好獎厲節孝以厚風俗正人心爲務修通濟橋行者至今賴之仕至參議

府志

樂舜賓浙江定海人由進士知新淦縣嘉靖辛酉海寇數千圍城三日躬率民兵登城拒守創設藥弩殲其渠魁賊始宵遁次年大水城不圯者十之五時寇盜竊發倉猝遇變取廟利及民居廢墻堅甃速完之民恃以無恐奉令均調里甲惟求民便以外艱去民感思之

府志

彭輅字子殷嘉善人嘉靖丁未進士除江西布政司照磨遷知新淦縣左遷應天儒學教授轉國子監博士陞

南京刑部主事有比部某輅能爲衆所不爲不少貶以就俗知之者鮮早慧於文不甚敦琢率肆筆而成卓然名家其爲令亦多惠政

明詩綜

夏大勳廣東饒平縣人由孝廉任縣敦尚簡節修舉廢墜創建儒學尊經閣纂修本縣志書增葺城垣陶母墓演武亭金川徒舍不廢民錢衆心稱便

李樂字彥和號臨川浙江烏程縣人由隆慶戊辰進士來視淦事雄才偉畧沉毅有爲下車謁郡守郡門役素驕蹇不法樂先杖之後白郡守體統肅然淦賦繁逐項

收徵申請條編一則民便輸將創龍亭葺尊經閣建便民倉捐俸帀穀以備荒賑又設官店裁儀賓凡利民之事皆次第舉行邑有盜窩某者廉得實卽杖殺之在淦數年布袍蔬食清節如一日令行禁止古良吏莫過也擢給事中去有金川紀事

安志

黃應坤號健所歛縣人隆慶戊辰進士初爲浮梁令再補新淦邑故衝疲自李樂爲令釐剔之後應坤濟以寬簡規制視前較若畫一會御史至縣清補戎伍應坤設法綜理民無所擾後擢臺中歷官京兆尹

楊宏科號意白浙江餘姚人由萬歷丙戌進士令淦歲
值凶荒加意撫恤散財發粟賑濟不遺餘力常步禱代
禳至躬罹疾疫士民焚香頂祝賊盜擾鄉甸密行捕緝
治其首惡嚴禁攀連淦賴以安擢監察御史去祀名宦

祠 府志

曾陳易號東陽東粵番禺人登萬歷戊戌進士蒞淦六
載多善政務簡便近情題其堂曰易事難說嘗捐俸重
新學宮請恤驛遞疲困例增餼銀歲苦南北二米乃酌
糧數派編矢心公慎雖豪勢貴家無所規避尋陞御史

淦民懷之立祠祀焉

廣東通志

朱邦貞號活字蘇州吳縣人由萬歷甲辰進士任淦操
持介潔勤恤民隱痛經催疲運條陳船戶代解民困以
甦捕治巨盜至里戶不夜閉法釐庫胥之黠而司藏者
不苦侵耗修便民倉以大積貯鑿桂湖以興文教月進
諸生談說經藝有金川會課集陞大理評事歷四川憲

副 舊志參府志

林恭章莆田人由進士補新淦令有廉聲額賦聽民自
封投納羨亡所入邑民有欲鬻妻以供養者賑之使完

聚如初治東火燬民居數十戶延及迎春門樓林躬自
檢視人給米粟仍捐修公廨旬日悉具布衣粗糲勸課
生儒亡虛日時稱慈惠之師尋陞江西湖東道

安志參

舊志

周文字純白宜山人由鄉薦令淦爲政清簡不擾時歲
被設法賑濟民賴以生邑有寇警嘗先驅以爲眾倡勸
學田建秀水亭葺古陶侃讀書臺性耽山水琴詩未嘗
踟躕簿書以催科不及罷歸

鄧林楠號光宇三水人以明經令淦性恬淡均賦平訟

羨例贖鍰一亡所入邑夫馬歲苦偏累鄧分眾朋克民
以無擾以資格爲臺使所抑士民惜其去焚香尸祝壺
漿屬路焉

安志

劉拯字以仁永福人由舉人爲新淦令嘗因漕蠹侵折
運挽不前力請民徵官解一時便之崇正中流寇克斥
淦邑界豐樂城卑小捐賞加築數尺增杯山戍守以杜
窺伺之隙尤銳意文教置學田修敬一亭文昌閣勉齋
祠士興於學以陞任去未究其用

安志

陳以運字時可貴池人由舉人任新淦令淦舊多稅政

南北輓運歲爲船戶冒沒多剝民財陳至條請徵解自是官民免於負累凡清理逋賦僉派馬戶悉有成畫時江楚多事臨袁諸郡騷然以運繕治城壕修建倉庾以受委積邑乃有數年之備會盤山土寇起卽率兵擒斬之焚其巢穴崇正癸未闖賊大掠鄰邑署僞官守令望風遁逃乃多置間諜修整甲仗團練義勇爲死守計卒全淦城以膽畧著稱御史藩臬交薦其才欲署監軍事以督餉不果赴後遷邵武同知在任著有新淦志

安志

周文允號石室浙永嘉縣人由舉人令新淦廉謹有爲

愛民禮士會歲多火旱步禱修禳爲民請命極其懇惻性介直不阿事上官嶄然清望殿考無從適糧官虧解額坐註誤左遷淦士民赴院道保留不獲罷歸惟圖書數卷而已邑人建墮淚碑於官亭之澗

楊昌周蜀威遠舉人以郡司理署淦篆清標玉立才穎犀明視篆兩載政簡刑清簿書徵發剖斷如流尤加意學校繕尊經閣易櫺星門暨屹以石悉捐俸修之不以役民殆樂只菁莪兼有其勝者諸善政詳鐫去思碑中陞鞏昌貳守後任貴州憲副

陳旅臨海人由薦舉新淦訓導律已端方敷教嚴明士畏而愛之後遷國子監丞

黃勳字守勳揭揚人成化間以鄉薦授新淦教諭以振士風扶正學爲己在日與生徒講誦贊幣却而弗受以贍諸生之貧困者或疑其矯曰君若大用能始終乃爾耶勳曰學以地殊政以時改言語與心術異德之賊也道有晦顯大小耶後遷柳州教授告歸隱龍山勳爲教授時見郡守惟長揖守銜之及請告守翻然悔謝之不顧而去

府志

王輔雲南人由舉人任淦教諭崇尚典禮慨邑志久湮留心較正手書成集採補幾備後考故纂刻規制因之向欽寧波人由歲貢任教諭學富行謹課士品題悉當科第捷登性不嘉俛仰有部士欲勢屈之毅然掛冠士論服其剛介

劉子欽諱敬以字行吉水人資稟超邁淹貫諸書永樂癸未申江西鄉試第一捷會試第二登曾棨榜進士與選庶吉士入文淵閣讀秘書豫修永樂大典遷刑部主事折獄多平反累坐謫南丹衛仁宗嗣位命廷臣凡經

術之士謫戍者舉任教官起爲新淦訓導教有師法生徒多有造就歷福建湖廣應天鄉試去取精當物論推服秩滿力請致仕題其堂曰密庵人因以爲號焉
岑景鍾順德人由歲貢任淦教諭操履端方性尙簡質尤培植氣節士論賢之

楊思乾字大冲新城舉人署淦學事端謹嚴肅以師道自任月課諸生文藝悉根據經傳凡子書浮詭割裂之習爲之一變流賊破豐樂諸邑首上便宜十策率諸生登陴巡警又修復敬一亭文昌閣勉齋祠百廢具舉尋

陞國子監學錄

劉守謙號牧齋瀏陽人萬歷初由舉人授淦諭勵士先實行次文藝博綜經史尤工於詞賦蒞淦五載耽玩山水耳目所經卽事成詩惜其集散逸不傳

錢琦字公良海鹽進士刑部郎中知臨江府事當行罷擇民所便任之改作公堂民無煩苦以新淦地廣民悍當折而分治請於朝峽江始立縣經費建置酌定賦役悉出手畫又請輕齋三年以寬新邑格而未行

安志

國朝

高之彥字美士號若淑山東武城人丙戌進士初筮淦令民心未定歲大歉斗米千文淦東土煽亂前令峻法窮誅之彥一意招徠槩行寬恤民賴以安清操始終如一日進多士課文賦詩人競奉木主書高青天云土寇稍靖彥思去任淦人遮道借恂勸輸分賑循聲四達以疾卒於官士民哀涕如喪考妣焉

潘岭號石丈湖廣孝感人順治戊子拔貢任新淦縣兵燹後百事草創賦逋累積單騎走六鄉勸民踴躍輸將公餘與士課文賦詩所取皆一時名雋其尤異者從童

子中識李煥斗張思栻王言廖國璜輩後盡登賢書李捷春榜常捐俸鼎新文廟重建讀書臺及坑口渡橋增豎城垣百廢具舉清丈額蠲除荒蕪田地招徠山谷頑梗賢聲冠豫省巡撫蔡推卓異第一惜未竟緒解組去劉必暢號五峯陝西西安進士性恬淡慎取予恥奔走干謁順治戊戌時府主臨縣比賦東鄉樹幟繞城有激濁揚清之語必暢觸當事之忌致掛彈章繫逮行旅蕭然邑民士爭具雞黍赴上司籲求恩豁卒獲昭雪去之日惟兩袖清風而已人爭送之

劉羽達號毅庵陝西濟寧拔貢前任以逋賦繫逮羽達漸次追補催科有序加意學校優禮破格一切羨派報罷海寇震隣山谷乘隙揭竿嬰城固守民賴以安雖左遷而賦無逋累解組自適民思遮輿借恂焉
胡之琳號介石浙江淳安人由舉人知新淦值土寇未靖逋賦山積羽檄交馳琳入山勸諭勞瘁成疾適堂署頽折琳猶捐資鼎建葺便民倉增飾學宮公餘陶情詩酒尤工書畫所經勝跡輒留題咏常邀參藩施公閔章講學重建惜陰書院復黃勉齋陶桓公祠修郡志及邑乘惜未竟業以疾終於官後二年妻子相繼歿幼孤力不能舉喪歸郡守王公邑侯董公憐其貧賻資返柩士民遮道泣奠所著有淦水唵二集

萬興倫字貞生南昌壬午舉人順治癸巳授淦教諭立社課士校藝拔尤一時人文丕振敦崇古學優舉德行建明倫堂東西兩廡土地祠及文昌閣捐俸爲多士倡春秋展祭煥然改觀至今稱成禮焉後陞城固知縣董謙吉澠池籍洛陽人康熙七年由進士授淦令崇儒重學培植文風捐俸遷建省倉不費民財積逋數萬代

賠不追憫沙水荒田詳報甦困嚴保甲革雜派安民息
訟囹圄一空纂修邑乘製有序文

曾三接樂安人貢生蒞任崇文講學式訓端簡教士必
以忠孝爲先每月朔望進多士課文所拔皆英俊弁其
社曰紫薇尤卹單寒培養士氣昌明理學卓有蘇湖遺
意邑志賴爲總司

施閏章字尙白號愚山江南宣城人順治己丑進士提
學山東僉事後舉博學宏詞改侍講康熙壬寅遷江西
參議道分守湖西振興人文倡明理學多士景從塗宰
胡之琳偕紳士迎之講學爲政慈祥愛人每形諸篇什
以裁缺議去任士庶留之不忍別所乘舟輕民爭以石
膏填之旣歸乏食作賣船行一時名公多和之者治東
陶桓公讀書臺下舊有施公講學堂

毛西河集

讚曰

風行草偃過化存神勉齋之治道本諸身於今爲烈善
教得民豈弟君子宏我

皇仁

二十

新淦縣志卷二十二

忠義

處士

文苑

儒林

理學

宦業

名臣

人物

新淦縣志卷二十二

人物目錄八條

淦歷代著述書籍附人物志後

人物八類理學缺每類各標姓名總數

忠義

處士

文苑

儒林

新編義士附

人物總目

孝友

新編孝行附

劉士

文友

雷林

張華

齊榮

谷引

人傳

新淦縣志卷二十二

新淦縣志卷二十二

名臣目錄

漢

孔恂

吳

聶友

晉

楊羨

宋

董良史 曾三聘 曾三復

明

胡雲端

胡子持

胡子泰附

胡儼 金幼孜

楊燦

鄒孟爵

何哀

張叔鏜

張壽祺

正傳十四名

附傳二名

共十六名

新淦縣志卷三十二

人物

禮謂無美而稱之者誣也有而不知不明也知而不傳不仁也此司馬氏所以有七十列傳哉三代以下鮮絕德倘有可書勗德勸善不既廣耶傳名臣官業勵官方也傳忠義孝友植綱常也傳儒林文苑隱逸端士趨也淦非漢舊自唐迄明一分再析而後世夷考猶謂邑有人焉不可以聞風興起乎作人物志

名臣

漢

孔恂字巨卿爲州別駕車制舊有屏星如刺史車式刺史行部發傳晏移怒欲撤別駕屏星恂曰使君傳自晚發欲撤屏星毀國舊制別駕可去屏星不可撤卽投傳去刺史追謝乃止車仍舊制

林志

吳

聶友字文悌豫章人

漢新淦隸豫章搜神後
記載友豫章新淦人

仕吳拜丹

陽太守素與諸葛恪善建興元年十月恪會衆於東興作大堤左右結山夾築兩城魏以吳軍入其疆士恥於

受侮命大將胡遵諸葛誕等率衆七萬欲攻圍兩塢曷壞隄遏恪遣將軍雷贊呂據唐咨丁奉爲前部鼓譟亂斫魏軍驚擾散走死者數萬振旅而歸進封陽都侯加荆陽州牧督中外諸軍事恪遂有輕敵之心以十二月戰克明春復欲出軍友書諫恪曰大行皇帝本有過東關之計計未施行今公輔贊大業成先帝之志寇遠自送將士憑賴威德出身用命一旦有非常之功豈非宗廟神靈社稷之福耶宜且按兵養銳觀釁而動今乘此勢欲復大出天時未可而苟任盛意私心以爲不安恪

題論後爲書答友曰足下雖有自然之理然未見大數
熟省此論可以開悟矣於是違衆出軍大發州郡二十
萬衆百姓騷動始失人心友知其將敗書與滕亂曰當
人疆盛河山可拔一朝羸縮人情萬端言之悲歎初友
少爲縣吏有屑吻虞翻徙交州縣令使友送之翻與語
而奇焉爲書與豫章太守謝斐令以爲功曹郡時見有
功曹斐見之問曰縣吏聶友可堪何職對曰此人縣間
小吏耳猶可堪曹佐斐曰論者以爲宜作功曹君其避
之乃用爲功曹使至都諸葛恪友之時論謂顧子嘿子
眞其間無所復容恪欲以友居其間由是知名後孫峻
忌友欲以爲鬱林太守友發病憂死年三十三

吳錄

晉

楊羨新淦人拜湘州刺史桂陽人羅綬嘗宰新淦羨蒞
湘州引其子含爲主簿含傲然不顧羨招致不已辭不
獲而就焉含弱冠有藻思州三辟不應而就羨及羨去
職含送之到新淦賂遺悉封置不受而歸遠近推服

晉書

宋

董良史字邦直新淦人紹興二年鄉薦第一判洪州時

江西運判張常先嘗憾帥臣張安道陷諸遷客冀得良史證其事持不可移倅鄱陽秦檜當國任常先爲鷹犬莫敢有忤其意者良史卒不阿論者偉之

舊志

曾三聘字無逸臨江新淦人乾道二年進士調贛州司戶參軍累遷軍器監主簿有旨造划車弩三聘謂划車弩六人挽之而箭之所及止二百六十步今所用克敵弓較之工費不及十之三一挽之而射可及三百六十步利害曉然乃不果造光宗不朝重華宮中外疑懼三聘以書抵丞相畱正正未及言會以它事不合求去三

聘謂丞相今泯默而退耶亦將取今日所難言者別自言之而後退凡今朝廷之內闔門衽席之間父子夫婦之際羣臣莫敢深言者避嫌遠罪耳丞相退身計決言之何嫌乎遷秘書郎帝欲幸玉津園三聘上疏言今人心旣離大亂將作小大之臣震怖請命而陛下安意肆志而弗聞知萬一敵人謀之馳一介之使問安北宮不知何以答之姦宄窺間傳一紙之檄指斥乘輿不知何以禦之望亟備法駕朝謁不然臣實未知死所也孝宗病革復上疏言道路流言洶洶日甚臣恐不幸而有狂

夫姦人託忠憤以行詐假曲直以動衆至此而後悔之則恐無及矣帝意爲動及孝宗崩帝疾不能執喪朝論益震洵三聘謂今日事勢莫若建儲或戒之曰前日臺諫諸公謂汝奪其職今復有疏耶三聘曰此何時而可避煩言也寧宗立兼考功郎後知郢州會韓侂胄爲相指三聘爲故相趙汝愚腹心坐追兩官久之復元官與祠差知柳州改提點廣西湖北刑獄皆辭不赴侂胄誅諸賢遭竄斥者相繼召用三聘祿不及終不自言嘉熙間三聘已卒有旨特贈三官直龍圖閣賜諡忠節史論

以三聘不污韓侂胄歲寒然後知松柏之後凋也信夫

三聘墓在治南十里郎中岡之後面沂江中溪坪

宋史

曾三復字無玷乾道六年進士淳熙末爲主管官告院

遷太府寺簿歷將作太府丞登朝數年安於平進搢紳

稱之紹熙初出知池州改常州召拜御史嘗論大臣執

奏宦者除授而與之並命給舍封駁從臣除目而與之

俱留臺臣有廉察宰掾而與之同召諫臣有劾奏宰臣

而與之俱存朝綱之壞必始於此會巨監提點壽康宮

者三復劾出之轉太常少卿進起居舍人孝宗升祔召

廷臣集議僖宗當祧以正大祖東向之位三復首以爲請慶元初遷起居郎兼權刑部侍郎以疾告老詔守本官職致仕在臺餘兩年持論正平不激不隨其歿也士論惜之史稱其澹然而無躁競之心

舊志

明

胡雲端字騰霄廬陵胡忠簡公裔也洪武初端以貢舉聘修元史後廷試第一官禮部儀制司主事定禮儀議嫡庶升降服編輯孝慈錄稱旨遷浙江副使以疾乞歸子子持字執之仕至河南按察司僉事正統初督學政

有聲較拔多才士從子子泰吏部文選司主事黜陟嚴

明並祀鄉賢

舊志

胡儼字若思

淦舊志儼新淦人明史列傳南昌人儼自序白雲圖曾祖胡叔寶新淦人墓在泥江

口少嗜學於天文地理律歷醫卜無不究覽洪武中以

舉人授華亭教諭能以師道自任母憂服除改長垣乞便地就養復改餘干學官許乞便地自儼始建文元年薦授桐城知縣鑿桐陂水溉田爲民利縣有虎傷人儼齋沐告於神虎遁去桐人祀之朱邑祠四年副都御史練子寧薦於朝日儼學足達天人智足資帷幄比召至

燕師已渡江成祖卽位曰儼知天人其令欽天監試旣試奏儼實通象緯氣候之學尋又以解縉薦授翰林檢討與縉等俱直文淵閣遷侍講進左庶子父喪起復儼在閣承顧問嘗不欲先人然少憚永樂二年九月拜國子監祭酒不豫機務時用法嚴峻國子生託事告歸者坐戍邊儼至卽奏除之七年帝幸北京召儼赴行在明年北征命以祭酒兼侍講掌翰林院事輔皇太孫留守北京十九年改北京國子監祭酒當時海內混一垂五十年帝方內興禮樂外懷要荒公卿大夫彬彬多文學之士儼館閣宿儒朝廷大著作多出其手重修太祖實錄永樂大典天下圖志皆統總裁官居國學二十餘年

以身率教動有師法洪熙改元以疾乞休仁宗賜敕獎勞進太子賓客仍兼祭酒致仕復其子孫宣宗卽位以禮部侍郎召辭歸家居二十年方岳重臣咸待以師禮儼與言未嘗及私自處淡泊歲時衣食纔給初爲湖廣考官得楊溥文大異之題其上曰必能爲董子之正言而不爲公孫之阿曲世以爲知人正統八年八月卒年八十三史讚曰明初罷丞相分事權於六部成祖始命

儒臣直文淵閣預機務沿及仁宣而閣權日重實行丞相事解縉以下五人則詞林之最初入閣者夫處禁密之地必以公正自持而尤貴於厚重不洩縉少年高才自負匡濟大畧太祖俾十年進學愛之深矣彼其動輒得謗不克令終夫豈盡嫉賢害能者力固使之然歟黃淮功在輔導胡廣金幼孜勞著扈從胡儼久於國學觀諸臣從容密勿隨事納忠固非僅以文字翰墨爲勲績已也

明史

金幼孜名善以字行新淦人建文二年進士授戶科給事中成祖卽位改翰林檢討與解縉等同直文淵閣遷侍講時翰林坊局臣講書東宮皆先具經義閣臣閱正呈帝覽乃進講解縉書楊士奇易胡廣詩幼孜春秋因進春秋要旨三卷永樂五年遷右諭德兼侍講因論吏部直內閣諸臣胡廣金幼孜等考滿勿改他任七年從幸北京明年北征幼孜與廣榮扈行駕駐清水源有泉湧出幼孜獻銘榮獻詩皆勞以上尊帝重幼孜文學所過山川要害輒命記之幼孜據鞍起草立就使自互刺來帝召幼孜等傍輿行言敵中事親倚甚常與廣榮及

侍郎金純失道陷谷中暮夜幼孜墜馬廣純去不顧榮
爲結鞍行行又輒墜榮乘以已騎明日始達行在所是
夜帝遣使十餘輩迹榮幼孜不獲比至帝喜動顏色自
後北征皆從所議有北征前後二錄十二年命與廣榮
等纂五經四書性理大全遷翰林學士十八年與榮並
進文淵閣大學士二十二年從北征中道兵疲帝以問
羣臣莫敢對惟幼孜言不宜深入不聽次開平帝謂榮
幼孜曰朕夢神人語上帝好生者再是何祥也榮幼孜
對曰陛下此舉固在除暴安民然火炎崑岡玉石俱毀

惟陛下留意帝然之卽命草詔招諭諸部還軍至榆木
川帝崩秘不發喪榮訃京師幼孜護梓宮歸仁宗卽位
拜戶部右侍郎兼文淵閣大學士尋加太子少保兼武
英殿大學士是年十月命幼孜榮士奇會錄罪囚於承
天門外詔法司錄重囚必會三學士委寄益隆帝御西
角門閣廷臣制誥顧三學士曰汝三人及蹇夏二尙書
皆先帝舊臣朕方倚以自輔嘗見前代人主惡聞直言
雖素所親信亦畏威順旨緘默取容賢良之臣言不見
聽退而杜口朕與卿等當深用爲戒因取五人誥詞親

增二語云勿謂崇高而難入勿以有所從違而或怠幼
孜等頓首稱謝洪熙元年進禮部尙書兼大學士學士
如故竝給三俸尋乞歸省母明年母卒宣宗立詔起復
修兩朝實錄克總裁官三年持節寧夏冊慶府郡王妃
所過詢兵民疾苦還奏之帝嘉納焉從巡邊度雞鳴山
帝曰唐太宗恃其英武征遼常過此山幼孜對曰太宗
尋悔此役故建憫忠閣帝曰此山崩于元順帝時爲元
亡徵對曰順帝亡國之主雖山不崩國亦必亡宣德六
年十二月卒年六十四贈少保謚文靖幼孜簡易靜默
寬裕有容眷遇雖隆而自處益謙名其宴居之室曰退
庵疾革時家人囑請身後恩不聽曰此君子所恥也

明史

楊燦輅姪僑寓姜黃登永樂甲申進士改翰林庶吉士
入文淵閣預纂述歷任御史立朝有風裁爲時嚴憚

舊志

鄒孟爵以字行世爲滄之大平鄉晉溪里人生有異質
甫八歲從師受經卽知大義比長博洽羣書嶄然露頭
角與同里諸名彥切磋年廿五邑令薦於郡爲從事至

永樂丙戌赴京得兵部缺時本部尙書蹇公愛其忠勤
聞於朝授本部武庫司主事尋以外艱去服闋還舊職
辛丑元旦上御奉天殿賜羣臣綵段孟爵與焉壬寅隨
駕北征捷還清軍湖廣值仁宗仍賜綵段誥命宣宗卽
位復加褒贈宣德甲寅以病乞歸徜徉林壑者四年

舊志

何衷字惟孝天順元年進士刑部主事進員外郎會四
川巡撫都御史與鎮守總兵許奏廷議推衷往訊比至
懼罪者賂以千金斥去不納率正其辜中都畱守管人

致死按治久不決衷訊之伏罪遷南京大理右寺丞卒
周謨哭之以詩曰清白自持全勝璧權奸不避直如弦
特書行事爲官式豈爲詞章作泛傳蓋紀實也所著有

靜齋稿

舊志

張叔鏜字振卿新淦人天啟進士初令秀水潔已勤職
清蠹摘姦時號神君魏璫聞其名欲得之以自重卻謝
不往遂降寧國府教授後璫敗陞國子助教子壽祺同

榜進士官南道御史

舊志

張壽祺字介和新淦人叔鏜之子同登天啟乙丑進士

授行人司擢廣西道御史巡按南直隸時溫體仁當國
總兵張之斗湖州知府丁登明編修丁進私於體仁者
之斗逼妾自經登明僕毆斃平民反誣爲盜丁進爲南
闈試官私鬻經題壽祺俱如法按問忤體仁意嗾其黨
誣以受賕下理壽祺疏辨曰體仁以進恨臣刺骨假名
同邑同年之唐世濟朋黨糾臣以行報復世濟因人成
事無他伎倆若體仁者位居元宰存心媚嫉方今盜賊
不問何以蕩平災害不問何以弭釋智慮精神陰賊險
狠用者必私人異己必斥逐卽丁進一事不返已內愧

轉誣糾察之官務箝天下之口詎知公論在人必不可
掩臣任甫三月地方之人誰與臣習誰以賄授况犯案
有憑私書有據臣被逮之後體仁之弟育仁卽爲南刑
主事一以維持丁進關節之事一以便坐臣賄之誅重
加拷掠不聽辨語朝廷所以設言官者原爲指逐奸佞
臣不言則溺職言之則招禍臣不敢溺職又安敢避禍
仰乞聖聰聽將臣前後稿案封進則臣寃自白至奸相
體仁早乞乾斷除此元凶以謝天下宗社之福也疏上
體仁抑之以求去激上怒下錦衣獄刑杖壽祺再疏辨

新編

適體仁罷遂得釋放歸年六十三終於家
贊曰忠臣名臣由所遭見不忠何名名以實先金相老
實乃承帝眷矜式國人若翁佳傳

宦業目錄

梁

湛僧智

宋

曾文照

陸起

陳公琰

陳竑

郭奉世

譚源

陳茂濂

明

周子緝

周墜附

蕭正

謝子襄

陳永年

胡器

張魁

陳紹葵

盧滋

胡器

張敬盧秩戴中何純孫仁

陳壽陳章何善劉纓錢端鄧概陳陽

何正蕭浩蕭佩之蕭以遂附張芹

謝階黃仁山曾樂饒思聰饒思明附

蕭克良朱瓚胡叔廉高翀朱孟震

張克文張先文張克文張亮文附

朱璉朱仁卿朱天民附黃學張堯文

聶心湯劉正亨盧汝鵠聶尙恆聶思元附

潘九思胡應詔盧以亨原編處士

國朝

周纘祖熊僕熊時慈熊時衡附李煥斗

王言劉學瀾王泰姓王雲煥王雲翔

劉世寧劉佳琦楊樹烈廷謨附王應樞

楊濟

附共計七十九名

宦業

梁

湛僧智新淦人天監八年爲譙州刺史帝敕信武將軍夏侯夔帥壯武將軍裴之禮直閣將軍任思祖出義陽道攻魏平靜穆陵陰山三關克之是時僧智圍魏東豫州刺史元慶和於廣陵入其郛魏將元顯伯率軍赴援僧智逆擊破之夔自武陽會僧智斷魏軍歸路慶和於內築石以自固及夔至遂請降夔讓僧智僧智曰慶和志欲降公不願降僧智今往必乖其意且僧智所將爲

新淦縣志 卷之三
合募人不可御之以法公持軍素嚴必無犯令受降納
附深得其宜夔乃登城拔魏幟建官軍旗鼓眾莫敢妄
動慶和束兵以出軍無私焉顯伯聞之夜遁生擒二萬
餘人斬獲不可勝數詔以僧智領東豫州鎮廣陵僧智
與胡紹世魚宏張登並爲當時驍將按梁書失載僧智
何處人鄭樵通志氏族畧於湛氏注云晉荊州刺史陶
侃母湛氏梁有司州刺史湛僧智出新淦司馬溫公曰
僧智知己之短不掩人之長功成不取以濟國事忠且
無私可謂君子矣 梁書

宋

曾文照新淦人七歲應南唐童子科擢第三李氏歸宋
爲亳州永城令上疏論邑利害免挽船夫力歲以萬計
遷蒙城令蝗不入境終大理司直 白志

按曾文照林志重見吉安人物作文昭白志刪彼存
此列入南唐今改入宋照與昭未詳孰是

陸起新淦人慶歷進士爲英州真陽令有巫以銀瓮貯
二蛇自嶺北至真陽誘民迎且祠焉觀者填路起聞驟
至蛇所亟令出瓮斬之捕巫劾其姦遠近稱爲神明仕

至員外郎

舊志

陳公琰字易卿新淦人皇祐初擢第知醴陵縣時朝廷變鹽法吏緣爲姦上疏蠲除之八遷至諫議大夫七十

致仕

舊志

陳竑字君度新淦人元祐進士鎮安遠軍節度使推官郡頻年患水因條陳全城隄決溝澮等事會詔釐正祀典竑悉毀淫祠又常率同僚瘞枯骨之無歸以籍沒產給寓喪於佛祠者兄弟三人以父蔭絅相遜自取科第終以直氣不撓罷

舊志

郭奉世字少馮新淦人元祐進士羅田令改知永新有異政泰和民素苦令詣漕司乞更奉世永新之民遮畱不可乃寓兩界兼理之山東盜起擢知密州破巨盜張海等數萬五遷至徽猷閣待制移守夔慶金兵再至有旨以徐克兵赴闕和議成退保宿毫移軍於濟謝事歸里

林志

譚源字文饒以貢舉廷對任應山尉時權豪開邊釁源料金必淪盟濬築濠寨團結義勇爲守禦計民賴以安擢肇慶推官年未七十致仕僚屬作詩餞之有山色不

如歸興之句

舊志

陳茂濂字孟溪父夢元咸淳進士茂濂登淳祐七年進士主新昌簿定版籍理稅畝邑黥吏有以賄恃勢誣邑屬者以法籍其家邑中肅然調郴州司理會文天祥領鎮湖南檄爲憲幕天祥移贛州濂攝幹官護視司事累官至從政郎歸老於鄉稱爲泉岳先生

林志

明

周子緝新淦磐墩人所立子也洪武初以明經領鄉薦授桃源縣知縣有惠政恤刑獄免差派革浮費去官之

日民攀轅留之歸家杜門謝客陶情山水卽事成詩集佚不傳姪墮任亳州亦廉介有能名終於任所所立署其室云皓首窮經郡祭酒馳四方之翰墨青雲接武邑大夫化百里之弦歌周氏父子詩清新俊逸與體方爲同調

乘器集

蕭正字伯辰新淦人祖漢卿父希亮贈奉政大夫禮部祠祭司郎中正自少力學慷慨有大志著聲州里洪武辛未劉伯達等薦以賢良應辟授八品官辨工部事逾年遷虞部主事除貴州安莊衛知事陞經歷四川僉憲

張麒舉赴吏部陞知直隸秦州以內艱去服闋改知深州秩滿陞南京禮部祠祭司郎中洪熙元年夏四月適一考賜誥命復職八月卒在工部時朝議命崇山侯李新開東壩以通大江正領夫千人計工約夫數期日爲地三尺工畢無問蚤暮卽令休息事易集而工不勞及蒞安莊飭邊防輯士卒巡歷營中勤其生業教之種藝州四面卑下淋潦衝擊相地吳家莊工成率其民遷之得免於患斃狼患驅蝗災衆皆謂正至誠所感秩滿還京爭挽留之不久旣居禮部典神祀未嘗自放有暇輒考故實從容酬應人服其量善五七言詩簡澹有法

金

文靖集

謝子襄名袞以字行新淦人建文中由薦舉授青田知縣永樂七年與錢塘知縣黃信中開化知縣夏升竝九載課最當遷其部民相卒訴於上官乞再任上官以聞帝嘉之卽擢子襄處州知府信中杭州升衢州俾得治其故縣子襄治處州聲績益著郡有虎患歲旱蝗禱於神大雨二日蝗盡死虎亦遁去有盜竊官鈔子襄檄城隍神盜方閱鈔密室忽疾風捲墮市中盜卽伏罪民鬻

牛於市將屠之牛逸至子襄前俛首若有訴乃捐俸贖還其主叛卒吳米據山谷爲亂朝廷發兵討之一郡洵洵子襄力止軍城中毋出而自以計掩捕之獲其魁餘悉解散爲人廉謹歷官三十年不以家累自隨二十二年卒於官史稱明祖懲元季吏治縱弛重繩貪吏以嚴典一時守令畏法愛民煥然丕變下逮仁宣民人安樂嘉隆以後旣重甲科縣令多以廉卓取臺諫而龔黃之

治或未之覩焉

明史

陳永年洪武末給事中出知惠安縣螟蝻生永年禱於

城隍有頃鸚鵡蔽天羣啄食之歲乃獲

林志

張徹字玉榮永樂二年進士改翰林庶吉士累官吏部考功郎中性剛介時稱爲鐵版謝病歸二十餘年唯閉

戶讀書所著有退軒集

舊志

胡器字士璉貢升大學授雲南普安府通判擢泉州知府綽有惠政每判死刑恆鬱不樂或問其故曰吾爲民父母不能化民以德政乃致民於死地耶倉庫火風猛眾莫能措器稽首火尋滅永樂初與修書內閣陞貴州按察使尋召爲國子祭酒兼攝通政事致仕歸有樸庵

集 舊志

張魁字萬選敬之子幼穎異孝友十二三能屬文永樂鄉貢士歷教諭遷績溪尹民為立德政碑擢監察御史按陝西所至持風裁藩臬敬憚卒於官 舊志

陳紹夔名慄以字行永樂甲午鄉試登戊戌進士由崑山知縣擢貴州御史巡歷院署有奇妖前任每戒嚴不敢入夔齋宿禱隍祠詰旦雷震擊巨蟒於署咸駭其明威父艱服闋補福建御史陳孟浩贈以聯云花縣十年施雨露柏臺六月凜風霜可想其名望 舊志

盧滋字玉潤邑掾滿歲泣事選部尚書蹇義奉命亟擇天下郡守召滋與議成祖詰之義以滋與議對授文選司主事進員外郎尋擢大理寺卿出知杭州府會宦者違禁織造龍服滋劾之論死及代民請留之歷十八年遷廣東參政進布政卒 舊志

胡器字季柄號春齋永樂二十二年進士監察御史尋奉命按治江淮斷疑獄數十民駭其神且日刑不及膚德入於心詔嘉之秩滿卒祭酒邢泰志墓畧曰孝友溫恭孚於家嚴明寬厚達於政惜嗇於壽云 舊志

張敦字廷學敬之孫正統間中鄉試授監察御史歷仕
兩朝奏進律解比列軍政條例遼地素艱水相地鑿井
得泉民德之覆以亭額曰張御史井立祠祀焉按浙嚴
溺女之禁民無葬地者令有司買地葬之遷廣西副使
因忤權貴歸著有書經講說

舊志

盧秩字崇績景泰五年進士監察御史遷湖廣按察司
副使會廣西徭賊劫掠榔桂勒兵出賊不意破之旬日
平事聞遷貴州按察使

舊志

戴中字師中成化二年進士宰黃梅有異政召爲監察
御史按河南值水荒賑活百萬言事忤旨謫判雅州宏
治初起廣東按察司僉事遷兵備副使

舊志

何純字惟一衷之弟成化二年進士改翰林庶吉士授
監察御史時大臣有不厭望者純疏其過三上不報尋
陞雲南按察副使兵備臨安先是阿彌州賊刁蕃叛交
人遂侵何純捕斬蕃建議置千戶所巡檢司守禦會有
欲增臨安會課者純奏曠少民貧課不宜增詔皆從之

舊志

孫仁字偉德邑南鄉人成化五年進士除刑部主事歷

官刑部郎中審錄湖廣多平反及守常州嚴於御史忤
中官王敬逮繫詔獄巡撫王恕疏其寃得釋居九載由
浙江右參政遷河南左布政使會河決蘭陽設方修築
賑濟又決張秋與侍郎劉大夏同濬治轉陝西右布政
使適小王子與瓦剌仇殺進都察院左副都御史巡撫
寧夏練兵治械疏請富民輸粟權鹽以足儲餉三年之
內邊鄙賴之乞疾歸卒遣官賜祭葬南昌張文裕元楨
爲撰神道碑稱仁自奮力學才譽久著領鄉薦時卽刻
其經義以傳優游仕途數十年不皦皦於名汲汲於進

恂恂若無能至臨大事遇猝變乃奮不知顧牢不可撼

良由所務者實而所成亦實一時厚德之臣哉

張東白集

陳壽字本仁其先新淦息岡人祖志宏洪武間代兄戍
遼東遂籍寧遠衛壽少貧甚得遺金坐守至夜分還其
主從鄉人賀欽學登成化八年進士授戶科給事中視
宣大邊防劾去鎮守中官不檢者又嘗劾萬貴妃兄弟
及中官梁芳僧繼曉繫詔獄得釋屢遷都給事中宏治
元年王恕爲吏部擢壽大理丞劉吉憾恕諷御史劾壽
不習刑名冀以罪恕竟調壽南京光祿少卿就轉鴻臚

卿十三年冬以右僉都御史巡撫延綏火節數盜邊前鎮巡官俱得罪去壽至蒐軍實廣間諜分布士馬爲十道使互相應援軍勢始振明年諸部大入先以百餘騎來誘諸將請擊之壽不可自出帳擁數十騎據胡牀指麾飲食寇望見疑之引去諸道襲擊斬獲甚多朝廷方遣苗達等重兵至而壽已奏捷孝宗嘉之加祿一等達欲乘勝搗巢駐延綏久戰馬三萬匹日費芻菽不貲壽請出牧近塞就水草衆有難色壽跨馬先行衆皆從之省費數十萬當戰捷時或勸注子弟名籍壽曰吾子弟

不知弓槊寧當以血戰同士受賞哉竟不許十六年以右副都御史掌南院正德初劉瑾矯詔逮南京科道載銑薄彥徽等壽抗章論救瑾怒令致仕尋坐延綏倉儲虧損罰米二千三百石布千五百匹貧不能償上章自訴瑾廉知壽貧特免之中官廖堂鎮陝西貪暴楊一清以壽剛果九年正月起撫其地堂初奉詔製氊幄百六十間贏金數萬將遺權倖壽檄所司留備賑復戒諭堂勿假貢獻名有所科取堂怒將傾之壽四疏乞休不得堂爪牙數十輩散府縣漁利壽命捕之皆逃歸氣益沮

其秋拜南京兵部侍郎陝人號呼擁輿移日不得行踰
 年乞骸骨就進刑部尙書致仕壽爲給事中言時政無
 隱獨不喜劾人曰吾父戒吾勿作刑官易枉人言官枉
 人尤甚吾不敢妄言也嘉靖改元詔進一品階遣有司
 存問時年八十有三壽廉歷官四十年無家可歸寓南
 京所居不蔽風雨其卒也尙書李克嗣府尹寇天敘爲
 之歛親舊賻助始歸葬新淦壽弟章屢立戰功爲寧遠
 百戶明史
 何善字惟吉成化十一年進士新城知縣邑素苦水暴
 浥禾善令築隄防濬溝渠水不爲患歲稔賑粟不待報

吏難之叱曰民苟活吾何避罪擢刑部主事林志

劉纓字與清新淦人成化戊戌曾彥榜進士巡按閩中

有沙縣民陳富謀妻姪劉釗產爲匿名書誣釗父并及

釗所親獄已成纓察釗父實以負債自刎論富如法莆

田民有隨母出嫁而割股療其繼父者有司以孝聞纓

曰虧父體以濟父仇可謂孝乎仕終刑部尙書邑舉人

錢端與纓同鄉榜令南充亦清嚴勞瘁稱二人見閩蜀名
 宦志

鄧概字冠卿成化十五年進士令永安擢都察院都事

劾內監韋興知資陽陞瓊州府同知會都御史劉大夏

征黎命概守臨臯賊不敢犯擢廣東按察司僉事逆瑾專權罷歸

府志

陳陽字健夫宏治六年進士改庶吉士授刑部主事奉命讞獄南畿有持千金陰祈未減者陽拒之竟置於理進郎中蘇常有獄久不決命陽往按之逆瑾受賕欲貸之弗從遂誣下詔獄杖於朝門左謫雲南昆陽州同知瑾誅陞廣西按察司僉事以劾監司不法左遷運同卒於官

林志

何正字立經宏治十二年進士大理評事遷寺副會隆平侯爭襲事下正按於是逆豎瑾陰有所左正不從竟罷歸瑾誅起爲河南僉事平河洛寇擢山西憲副乞疾詔進按察使致仕

舊志

蕭浩字義集號縮齋新淦白馬人以易舉宏治江西鄉試由雲南司都事授南漳知縣南漳稱巖邑難治浩至治賦減刑賢聲聃嚮縣舊爲土垣河南寇震棗陽募工鼎甃磚石築武安靈溪二堰灌溉民田數千頃事詳襄陽府志在任九年以疾乞歸歷二十年足不入城年七十九卒子佩之南安令孫以遂汶上令吳近光曰余由

楚過南漳吏人猶能言蕭令不置口豈程子所謂存心
愛濟不悖者歟一令未爲貴倨矣輒謝去宰之室未嘗
至焉修經術明孝弟之本子若孫後先以仕顯傳曰惟
孝友於兄弟施於有政由來遠矣

南漳志

張芹字文林

新淦縣

峽江人

弘正以前未分縣故史書峽江而不書縣

弘治十

五年進士授福州推官正德中召爲南京御史寧夏旣
平大學士李東陽亦進官廕子芹抗疏曰東陽謹厚有
餘正直不足儒雅足重節義無聞逆瑾亂政東陽爲顧
命大臣旣不能遏之於始及惡跡旣彰又不能力與之

抗脂韋順從惟其指使今叛賊底平東陽何力冒功受
賞何以服人心乞立賜罷斥奪其加恩爲大臣事君不
忠者戒疏出東陽涕泣不能辯帝責芹沽名令對狀芹
請罪停奉三月給事中竇明言事下獄芹疏救之帝嘗
馳馬傷編修王思切諫坐遠戍芹曰彼非諫官尙爾吾
儕可坐視乎遂上疏曰孟子言從獸無厭謂之荒老聃
曰馳騁田獵使人心發狂心狂志荒何事不忘皆甚言
無益有害也今輕萬乘之尊乘危冒陰萬一有不可諱
皇嗣未誕如宗廟社稷何帝不省尋出爲徽州知府寧

王宸濠反言者以芹家江西慮賊劫其親屬取道出徽乃改知杭州已復還徽州嘉靖初遷浙江海道副使歷右參政右布政使坐爲海道時倭人爭貢誤傷居民罷歸芹事繼母孝持身儉素泉袍糲食終其身所著有備遺錄歎齋奏議數篇

明史

謝階字立升正德三年進士行人遷御史彈劾無私陞大理府民病於取石階令塞其谷守建寧權貴買書者踵至階曰買書而抑人值又勒丁推輓商民兩病矣禁不許階尤雅量恥干謁致仕廿年八十八卒

舊志

黃仁山字元靜淦西鄉侯府人正德丙子舉人辛巳進士授南科給事中時肅廟入承大統抗直敢言不避權貴適椒戚陳萬言擅借兩淮餘鹽錢六十萬兩起私第仁山以邊儲攸賴力抗疏止權璫黃玉趙綱凌轢士大夫疏上斥歸二奄啣之繼以議禮忤執政奏疏獨懇中有專意私親不顧正統其何以慰我太祖武宗在天之靈執政阿意順旨出守嚴州未幾以前釁下其議謫丞西安稍遷鄞縣令邑署外有井久泥下車旬餘忽清泉湧出邑人建亭其上宗伯用川張公作廉澤銘以紀其

異歲大疫民數萬餘死無葬地捐俸葬之邑額有防兵
餉稅民甚苦之力請得免遷大倉州守前執政再入相
左遷同知丁外艱歸會執政彼以兵任起中傷之仁山
告人曰吾遊倦矣遂浩然歸家無餘貲不事干謁惟課
子孫耕讀訓誡鄉人禮讓成風壽八十六終直聲著於
朝廷足以典型後進至今憾慨時事者無不追思北川

黃先生云

舊志

曾樂字思韶嘉靖乙酉鄉薦授南雄府推官署東莞多
惠政癸酉分校省試首拔倫文敘時稱知人守賓州招

降劇寇臺使上其功入爲工部員外郎以疾乞休

舊志

高翀字允升安陸籍新淦人嘉靖丙戌進士三十五年
由貴州布政陞巡撫會麻哈州土同知宋珠煽賊王三
等作亂翀調總兵石邦憲集兵平之又都勻苗頭阿章
等不納料馬殺掠民人翀檄兵備項廷吉調土兵勦平
之邦憲善用兵廷吉有執持翀能專任之稱知人

貴州

名宦志

饒思聰字子聞別號湖田祖登用父貫之有隱德思聰
生三歲而孤母徐氏守貞教育刻勵自立弱冠補邑弟

子員一時名重年二十三以毛詩與從兄天惠同領嘉靖戊子鄉薦明年捷進士授保定府推官斷獄如老吏攝府篆賑恤饑民全活甚衆擢刑部主事明練事體大司寇咸雅敬之故事五年一分遣郎中恤刑天下主司官不預思聰以時名得應天府歷徽寧二府平反者二十七人未減者七人未竣事以在部提戚里大辟逮繫詔獄事左遷河間府推官陞保定同知駕幸承天事無違怠陞山東按察司僉事武定兵備建議六條鈐轄六郡以計擒劇盜關繼先朝廷論功賞銀紵陞四川左參

議轉山東按察司副使修清源書院親臨課士得人最多有妖人倡白蓮教爲亂畿輔繹騷諸道集兵單父首摧賊鋒戮力追斬盜平丁內艱歸葬終制補蘇松兵備倭寇入境調兵勦殺獲其船隻器械復賜銀紵陞湖廣右參政嘆曰內豪下海外夷奸伺市舶交構守禦單弱東南之憂未艾矣後卒如其言取道歸里以寒疾終思聰才識沉毅應務機敏所至輒能建立居顯仕二十餘年未第時有求貨壞扉面詬之者處之泰然天性孝友宦游所至不能一日離母而居弟思明邑學生早歿弟

新治縣志
婦孫氏殉夫以死撫姪表貞禮教之風尤爲士林楷模
嘉會堂文抄

蕭克良字以遂新淦白馬人嘉靖甲午舉人屢上春官
不第授山東汶上令汶營入都繁衝响馬盜橫掠過客
長吏日折腰諸貴人克良下車卽捕巨盜清丈額平徭
役均馬役活寃獄韓克儒等七人爲大賈構繫申雪減
刑拔寒畯王松隨魁多士郡隸詎搔屬邑按治不貸大
吏駭其風裁欲齟齬之會中丞王吾厓獎薦事遂寢官
汶上三載謝病而歸卒克良風神朗秀穎敏過人佩古
人四還語畱餘不盡身體力行決意引退汶民立祠祀
之辛酉流寇徧城散財募兵躬率弩手殲賊人獲安堵
所著有紅塵稿四還餘訓

舊志

朱瓚字堯獻號墨泉新淦河埠人父朴字熙純子三人
伯季早卒諸子依之家貧十七始志學餽粥不給妻吳
氏盛夏毋以自沐輒取水向日以代薪佐瓚攻苦嘉靖
甲午遂魁鄉試乙未授睢寧教諭約禮博文士皆向學
丁內艱服闋除任武昌武昌沿江左餘習至是始歛華
就實崇尚實行請於有司建號舍以處諸生親爲講誦

辛巳集卷之三
修葺學宮築堤以捍湖水堤長數十丈士民誌其績曰
朱公堤堤左建石塔以像文筆癸卯轉應天教授旋授
山東武城尹丁外艱貧不能歸人代以爲憂曰使吾積
金以爲父母辱何如饑餓於此土也服除授麻陽尹苗
民搆亂掠潭家寨督鄉勇禦戰獲其魁斬二酋越月復
攻小坡督鄉勇爲援殺傷無算苗遠遁麻邑被兵四年
官兵莫加一矢至是始有鬪志督府欲上其功賞格不
行乃作與存樓爲死守計馬夫餽餉悉力甦之五鼓升
堂休衙夜已三鼓勞傷疾作適稽察官至醫謂不可以

風奮然曰賓至而主不迎是慢賓也倘罪我而及吾民
是病民也豈可以吾病而病民哉力疾具衣冠迎拜之
反署病卽不起初督府檄有司建平苗策瓚上四事以
土兵打仗利害不切於身不若民自爲戰以保其家可
其議戰力而守固麻民遂得捍其耕耘苗無所肆其毒
瓚子孟震另有志

朱秉器集壙記

胡叔廉字明發新淦人父深道稱長者四子十二孫俱
力學叔廉其三子弱冠爲諸生試輒前列領嘉靖丁酉
鄉薦明年登茅瓚榜進士授臨海令颶風大作瀕海居

民多死於潮掩葬分賑請於大吏得銀數千兩召富民付之俾出穀卽貯其倉令附近居民就倉支給存活無數築堤八十餘丈復田畝以萬計毀淫祠以益學宮革役兌頭之弊正豪右殺人之罪民肖像祀之壬寅召爲刑科給事建白六事一曰明法律一曰慎京考一曰勵將才一曰專責任一曰定優免一曰議軍徒廷議從之尋陞兵部都給事居是科者先後多得罪叔廉與兵部協謀選將扼要調軍糧申賞罰裨益頗多己酉陞應天府丞獄繫大盜四十餘人度其弗靖言於巡撫去其不可復原者十四人後尹以姑息囚果反人服其智辛亥轉大理寺少卿丁內憂服闋補南京右通政轉北光祿陞大理寺卿屬疾上疏乞歸足跡不及公門事關利害不便於民者亦爲有司言之卒年四十九先是邑東南隅有湖塞而城塌躡之可上叔廉言濬水增城可爲保障且獲水利捐金爲倡而當時莫之省辛酉廣寇猝至列陣城東城幾陷人服其先見之明

新編

朱孟震字秉器新淦人麻陽知縣瓚之子幼穎異善屬文以春秋領隆慶戊午鄉薦戊辰成進士授南刑曹主事矜慎名節關說不到尙書孫公稱其獨醒錚錚出領重慶守歲却黔中接濟餉千餘緡擢潼關兵備副使黃河改流得腴地以給軍糈分守西河發粟賑飢流移賴以全活癸未遷四川按察使獄多平反請於臺使奏罷

歲採大木三之一兼理四川左轄清帑藏侵蝕會羗叛軍撫徐元大引贊幕府與將軍李應祥築黃沙壩斷羗歸路事平賜金帛加二品服轉貴州左轄水西宣慰安國亨爲邊患示以威信亨懼服戊子入爲順天尹定吏農挨參之法倖寶一清晉通政使封駁得體會鄒元標孟養浩乞早定儲位疏奏帝震怒上敬天勤民箴乙丑值邊警閣臣王家屏疏孟震治軍嚴肅奉命巡撫鴈門山西三關礦徒張守清聚衆據礦以計擒之功上報可辛卯疏請歸賜璽書歲時存問癸巳進兵部尙書掌京

管戎政詔至已病卒於家後二十七年神宗崩光宗立
追論邊功詔有司錄其子孫入學復其家秉器天資敏
斷學問優醇津津以詩家自命其在南曹結青溪社一
時名士聲應氣求所集楮談續談餘談諸書述先哲之
舊聞綜同人之麗句可謂好事也已任川臬用以夷攻
夷之法一舉而羗酋授首開府西晉邊關無警有宏博
絕麗之學而又有經綸開濟之才者也

秉器集參引明詩綜

張克文字宗質新淦人美和之裔父奇六子次堯文官
臨清副使三先文嵩明同知四克文博士弟子五克文

濱州州判季亮文國子生克文勵志於學以經書授徒
里中諸弟從之舉嘉靖甲子鄉試隆慶戊辰登進士知
常山縣地當衝劇繕城浚隍豪猾屏跡擢工部都水司
主事水曹治泉河以春夏理河道秋冬理泉流舊時山
東七十二泉未盡水利乃更濬流穿渠緣山屬之湖爲
新泉三百五十有奇汶河歲爲患創石閘備蓄洩而汶
流全入於曹丁外艱服闋補刑部遷員外郎獄多平反
以疾告歸而卒

新編

朱璉字文卿新淦金灘人隆慶戊子舉人辛未進士授

崇安令父仕彥商於袁遂僑居彬江甲辰歲歎仕彥設
粥以食饑者施藥救病死者買棺瘞之有家貧乏食將
嫁其妻以求活妻不忍去士彥聞之知其爲次子仁卿
昔日蒙師也捐粟賑之母張大夫人尤賢德仕彥死有
豪家蔣仁五者謀其產大夫人懇之官遷延數載事釋
而產盡璉與仁卿同補博士弟子員學官責其贄大夫
人止存金銀二衣二布二端鬻以資助璉試輒高等袁
州守楊聘爲館師得束修乃迎大夫人歸璉爲縣平政
愛民奉公守法嘗與上官抗置建陽逆子於法懼有他

累貽大夫人憂大夫人曰執法去官美事也食淡甘貧
素志也復何憂萬歷乙亥璉三上年考由部郎擢拜監
察御史巡視長蘆鹽課巡按湖廣秩滿轉南京督學使
稱得人尋陞副使子天民中壬午鄉試大夫人惕然懼
曰一家全盛何德以堪時蔣仁五尙存乃誠璉曰仁五
破我家雖可恨然釋氏所云業障也若與之校非天也
仁五旋以惡死子嗣皆喪璉乞疏歸養大夫人已八十
有五臨終謂璉曰我欲看見年至七十奈何早數歲捨
兒去璉卒亦以八十五有五有堂集

朱秉器集朱仕彥墓誌

黃學字以行給諫仁山家孫萬歷鄉薦汝州同知遷常德府同知常德爲水陸衝郡產大木郡丞故攝權事會有增稅之命諸商惶怖學力請於臺使得酌減者十之七視篆桃源武陵二縣威惠並著蠻人不敢爲寇御史上其功數被褒異秩滿冢臣孫丕揚欲以監司薦學聞力辭之乞歸

貴州名宦志

張堯文號福吾新淦大洋州人師事兄克文年十八舉於鄉登萬歷癸未進士爲涇令有官清似涇水之謠擢南武選司主事歷職方員外郎陳便宜八事稱旨時倭

寇告警樞臣議汰舊兵以增新兵人心騷動堯文條上利害羣議帖息出守池州以憂去補衢州守衢故有銅山內監劉忠奉旨開採頗擾民堯文每事裁抑酌定稅額中貴爲之歛手轉臨清副使稅官馬堂殘剝商賈堯文折其左右堂警曰是常厄劉內侍者遂避去尋奉檄治河建治河八議卒用其言以有成堯文生平敦篤友愛構同心堂家無私財悉以公諸弟兄兄克文進士官比部郎子叔鐘孫壽祺並登進士壽祺官監察御史

舊志

新金縣志 卷三
聶心湯字純中淦東南源人中萬歷庚子鄉試甲辰進士授錢塘令建虎林書院以崇正學淪南湖水漑三郡田用廉幹遷工部主事轉營繕司郎中時少府舉詘中貴多盤據爲姦力清耗蠹省金錢數十萬擢廣西兵備道命未下淮撫李三才以盜木占厰諸不法事下所司按驗湯持之益力坐與黨人忤罷歸補趙州知州復與魏黨私人有郟削籍崇正初起知滁州以病不克赴卒心湯才氣剛直頗爲權貴所嫉故再起再報罷卒不能究其用 舊志

劉正亨字謙夫號養默嘉靖己酉舉人署浦江諭轉興寧知縣會徭徇出沒剽掠擒其渠帥楊子常餘黨悉定調贛榆陞河池知州池俗濱苗男女無別正亨修學校明禮教苗俗化之遷溫州同知禦倭有功郡守忌其能陰中之左遷吉府長史加四品服致仕常纂邑志工飛白草書居邑西灣頭 舊志

盧汝鵬字子羽邑西金灘人以亨之孫也少篤志向學中天啟辛酉鄉試署德安諭黜浮崇雅貧不能葬者悉周給之令浙江開化歲大饑捐俸買米千碩并詳動支

倉穀賑救全活數萬人懷玉山寇李子成汪二等剽劫
遂樂開境設勦擒三邑安枕擢江南和州丞殘破之後
勤招集厚撫募兵浚濠使自爲守卜基治左改遷文
廟聖座忽產靈芝後果科甲蟬聯分較南閩所得多知
名士以心疾屢辭乞休及允卒於和和人思慕之崇祀
名宦 舊志

聶尙恆字惟貞

安志載
新淦人

少隨任大倉師事王龍溪王荆

石兩先生大見稱賞爲時知名六上春官不第就諭廬
陵時吉南塘五先生聯白鷺青原智庾會喜曰一官做

捷耳家承理學得此殊快人意三歷寒暑不輟益擴前
所未聞陞撫寧令蒞山海關鄙會寇犯河流口納民城
邑計破走之舊上臺巡邊簽民擺酒破家條議革除復
却貂客販參規例錢剔審丁影射之積奸爲當事所忌
改福州教授陞寧化令禁革囂梗裁抑強豪唯倡請築
隄捍潦以便地方精軒黃術著有活幼心法及醫術等
書行世子九人皆補弟子員長師元以崇正甲戌貢於
明經 舊志

潘九思邑西坊人天性清澹志行慕古之人鄉舉時有

鬻母棺納水手者惻然免之事不干有司舅氏求免贖
金竟代輸焉授海豐教諭加意育材閒周諸生之貧者
陞詔安知縣有惠政秋毫不取告病歸百姓涕泣不忍
別三世祿仕無產至今士人衣有百結者

舊志

胡應詔字君宣別字鳳啣新淦人年二十領萬歷壬子
鄉薦崇正辛未進士授湖廣益陽令始入境有鹿一羣
隨之行驅弗去在任勤於撫字弊革利興人以爲馴雉
之祥以外憂去官服闋補徽州黟縣令民間益陽之政
咸引領望之黟土瘠人鬻有兄弟爭訟者數年不決應

詔召而理論之兩相感泣不終訟而去積勞成疾罷官
歸後臨沒呼紙筆書遺語云祖德難忘弟兄須隆孝友
君恩未報子孫勉守忠誠應詔幼刻苦有至性嘗躬耕
養親及爲令痛祿不逮親故又號愧菽按憲王萬象旌
其賢曰兩地棠蔭崇正己卯學道據公呈准祀鄉賢

新編

國朝

周纘祖字光烈號梅山登己卯乙榜恩選授福建通判
國朝定鼎改邵武教授捐俸修文廟課多士樵川蟬聯發
解六載考績陞北直南和令首隆學校選藝拔尤輒捷

魏科發粟賑饑疏治澧水注蔭民食永利清審丁編以
抒民困屏斥刁頭立置之法以直斷忤郡察解組歸居
鄉七載惟率子若孫趨庭詒穀閒集二三故知怡情詩
酒陶然樂也壽六十六終

舊志

熊僕字叔刻號匪莪晚號耐庵淦登賢鄉陽湖莊人順
治辛卯與兄儼同舉於鄉己亥進士初任江都令勢戚
賀永吉虐邑民徐小三執法繩治總督麻公旌異之分
校南闈得士八人五閱月前官復任解組康熙甲寅補
壽陽令時吳逆煽亂兵馬供應百出力爲調劑民便之

丁內艱服闋補曲沃令救旱賑饑懲猾胥荀大鵬分校
武闈得士二十人以逃案去職僕爲人胸襟浩落姿神
駿爽居鄉介靜四壁蕭然晏如也江都罷官與王仔園
汪舟次諸君詩酒爲樂喜讀書至老手不釋卷著有緣
天稿子時蕙時蘅皆力學紹其家聲

舊志

李煥斗字次箕別號愚谷新淦習方人少貧苦力田刈
薪以給朝夕年十七釋耒大息曰丈夫乃爾沒世耶於
是發憤讀書應縣試補邑弟子員順治丁酉領鄉薦康
熙庚戌成進士己未官山西大同府廣靈縣知縣輕徭

薄賦吏民安堵有一少年彎弓馳馬戴面具旋轉老林中仇者誣以爲盜執送有司煥斗察其寃遣之其後卒爲善士壬戌旱歉設粥賑饑乞大府申
奏出帑金以救饑民適得小雨僉議雨下民蘇毋勞賑濟煥斗力持不可大府怒次日巡城見
非李廣寧幾誤我事調署蔚州興利除害民情說服計典膺首薦入爲工部主事民建祠祀之刑部尙書魏象樞贈以詩云慈母車來見太平玉壺勺水比同清旋遷都水司員外郎監督寶泉局較量輕重一遵古制庚午
晉禮部祠祭司郎中磨勘試卷不苛以繩人張素存深然之辛未遷陝西寧夏道會大水決堤役丁修築吏民不擾西安告饑當事撥寧夏糧儲以濟冬歉煥斗議於沿途輸運詳請弗得壬申春大雪起運民不肯行繞城鼓噪詬辱督運官於市事

聞遂獲罪久之得釋

詔復原官而卒

新編

王言字慎夫號兩峯淦東欽風鄉大車里人康熙癸卯科舉人已未科進士爲人誠懇謹慎周密而孝友倍篤

戊辰秋筮仕除馬平令裁汰迎上官供億著爲令減耗
省差恤夫役免行戶邑民德之修學課士儒風丕變烏
石徭猖獗提督李公議勦因詣轅請撫全活甚衆庚午
分校得人解首陸應幾與焉署柳州郡丞攝洛容調崇
善弭盜禱旱署養利州署永康州皆多惠政以緝案降
調巡撫彭公鵬特疏列薦有清官第一之語奉
旨召見復任知永清

駕視河工供應修路民不知擾輯 王庄旗佃開永定河監

修石工

駕駐永清城外召對賦詩稱

首壬午分校北闈得士十五人本房聯捷三人在任未三載

賢聲益著擢宛平令邑地圉投已盡用意撫綏禁革養
馬差擾編審公費查煙冊無冒免築河堤核浮冒葺貢
院理冤抑以逸囚議降調京兆施公世綸欲奏請畱任
力辭歸戊子旋里四壁蕭然田廬蕩廢薄遊吳粵以自
娛舉鄉飲大賓辛卯春卒於家子泰牲家珏以文學行
誼世其家泰牲詩歌古文書法尤見推於時云

舊志

劉學瀾字綠漪號觀亭新淦人康熙癸巳舉人生而沉

潛敏慧強記多聞再上公車行抵天津得咎徵心動念
母兼程南下母果病革於牀哭哀盡禮遂絕意進取乾
隆六年除山東萊州高密縣令縣北爲百脉湖五龍河
膠河諸水所匯歲久淤澱豪民貪利承墾不許每霖雨
暴作水無所蓄勢將旁漫不可制乃審廬舍度原隰高
下畛域之水不積溢民賴以安縣鄙有景芝集毗連三
邑盜易潛藏設法鈎稽捕其魁論如律餘盜悉遁捐貲
葺鄭康成祠延攬賢士問邑中利病語不涉私校諸生
文藝如塾師之訓弟子其以文學飾吏治多類此甲子
因公降調乃謝病歸攜二子一僕行篋蕭然杜門不出
老猶以六經通鑑諸書爲日課甲申乙酉歲大歉集里
中釀金設粥以食飢人全活甚衆事敦實行所爲文詞
達理舉有聿修堂稿年八十餘卒於家

新編

王泰牲字鹿賓號芝圃宛平令言長子雍正癸卯舉人
甲辰進士授翰林院庶吉士轉戶部主事佐籌出納躋
正郎奉差審理

欽案有能聲復除翰林院試優等列爲頭班散館引
見乾清宮復

賜克食拜順慶守文學政事兼有可稱生平無佗僚之形泊
然如僧在官不攜眷屬不延幕友一絲一縷惟恐病民
案牘之餘焚香肅坐郡西二里有金泉句云不飲金泉
水還懸陋巷瓢守郡七載以治行卓薦入京仍回本任
撫綏鎮靜民安其治因公事卒於中途泰性至性過人
兄弟極相友愛長於詩古文詞少日與邑隱士孫之鳳
陳次沙段明臺討論風雅在詞垣復與同郡楊尙書錫
紱晏侍郎斯盛酬唱尙書稱其天才敏贍清新俊雅人
品介潔詩適相肖云所著有知稼軒集 新編

楊樹烈字念莪新淦人內閣中書侃之姪雍正癸卯拔
貢出學使徐公昂發之門乙巳考補藍旗教習期滿分
發四川署岳池知縣屏儉從單車就道吏進舊規節物
供帳銀二千兩悉革去之治獄多平反大吏廉其能委
攝渠縣理鹽亭西克連縮三符所在著循聲是時川省
清查糧額奉行或未盡善每致擾民乃爲魚鱗冊按冊
編號挨次註名日履溝畦詳加量度歷丈數邑事舉而
民不擾因患瘡瘍移疾有紳士乘間乞印契券文正色
訶止之疾痊循例赴部報銓卒於京邸子廷謨廷諫廷

親澤縣志 卷三十三
諫雍正壬子舉人廷謨乾隆丙子舉人任樂安教諭乾隆庚子大中丞郝移節入境錄囚廷謨率士庶焚香郊迎應對有條餘囚盡釋時論臆之初樹烈祖兆泰爲諸生值

國初兵變康熙九年遵

上諭募徒役設竹籃收貯四野遺骸購地掘坎瘞之邑侯吳爲文紀其事言兆泰首倡募僧買山之議不遺餘力先後所積不可勝數詳藝文志人以爲爲善之報云

據冊

呈新編

王雲煥字光旦號曉園宛平尹言孫父家廷舉人雲煥少英敏承祖父之訓力學工制科文雍正己酉舉於鄉乾隆丙辰成進士授禮部祠祭司主事尋改儀制司管理禮部地租地丁舊有陋規甫視事悉爲革除用著廉聲儀曹爲簡秩而

朝廟宴饗及賓興學校諸務皆有專責雲煥幹練勤慎當事欲以外任繁缺用之力辭旋遷員外郎

天子嘉其守擢貴州道監察御史壬申會科克內監試丁父喪服闋補山東道監察御史繼丁母喪庚辰赴都再補

廣西道監察御史署吏科給事中巡視東城果於任事
戊子二月授山東青州府知府青州爲東省大郡繁劇
事無大小必躬自檢校便於民者無不舉行舊有兵米
由外縣解府支給因艱於搬運遂改爲折色就近買補
吏緣爲奸廉得其實禁不准行民便其舊先是郡垣傾
圯舉報修葺司事者議將北郭人民截居城外以省工
費雲煥登城閱視見人煙稠密喬木成行慨然嘆曰此
熙皞氣象也尺地一民莫非赤子忍度外置之耶力排
衆議以興版築尅期計功城塹屹就百姓安堵每燕居

獨處寡於言笑雖左右親近不敢干以私語崇師尙學
士論翕然稱之在任年餘卽引疾乞休束裝就道輿服
簡敝士庶餞之有望而泣下者居家十載同堂弟兄尙
有八人賦詩云兄弟同堂有八人生年并屬甲申辰悠
悠共敍天倫樂落落俱無世俗塵初猶資館俸以自給
及病痺杜門贍生幾缺性復耿介善默故歿後有廉吏
難爲之嘆

新編

王雲翔字儀漢號耐庵青州守雲煥從弟十歲喪父母
陳氏教以誦讀聰穎異常少卽善詩賦工書法雍正壬

子癸丑聯捷進士授湖北武昌府蒲圻令蒲圻徵糧里
派斗級三十人剝膚吸髓射克書吏爲害滋甚雲翔咸
革除之三年報政調江夏旋遷漢陽司馬攝黃州武昌
諸郡所至有聲採辦苗疆督餉征蠻深爲鄂大中丞所
倚毗在蒲圻時民多虎患禱於神作捕虎檄虎害頓除
創修義學振拔單寒賞識多名下士性儉素徵米於廚
弗盈一缶以母年高請終養仍設帳授徒以書易粟人
咸珍之稱其三真六草可入太令之室爲文落落有奇
氣所著有慈訓篇待月詩詞無子頗散失沒後蒲圻人

建主祠祀之

新編

劉世寧字匡宇號幹齋高密令學瀾之子乾隆甲子舉
人正考官漳浦蔡文恭評其文謂有端人正士之概時
撫軍爲桂林陳文恭授以養正訓俗從政訓女四規喜
曰是立身加民之本矣乙丑捷進士癸酉授淳安令淳
安海剛峯舊治也揭羣樂堂瑣言於門左飭書吏曰民
無異性患導之不以誠耳鄉徵之舉不無胥吏之擾是
欲便民而轉累之吾弗爲也有汪光元者悍而黠數佔
人妻廉得其實拘數其罪光元叩頭乞自新擬徒釋歸

改行操冶鍛人怪問之云我不負劉令也調任黃巖有
王世璣者聘其姑之女符氏其母與其姑閱亟悔婚姑
之夫賜履諸生也鳴之學使以女終身不嫁立狀而罷
既而私以女字趙氏世璣鳴之官引符氏置對臧錮自
刺世寧私度曰終身不嫁非人情自刺爲父解也然則
女實屬王氏矣令遣歸而陰令昇之王氏女固王出也
賜履以世璣奪女告笑曰姑徐徐逾年符氏已生子而
世璣亦爲諸生宋朱子提舉浙東建黃巖六間禦鹹著
淡其奏狀有云黃巖熟台州無饑饉之憂閭壻修黃巖

無水旱之災用此請濬河建閘集民夫親爲指畫設閘
田閘夫資其衣食以時啟閉旱澇無憂數十年獲蓋藏
之利任滿擢工部營繕司主事丁內艱服闋補虞衡司
遷都水司員外郎山西道監察御史旋授廣東分巡道
陳情終養戊戌仍授原官刊簡明條約八則用土語解
說訓誡子弟父老聞之有泣下者逾年不諧於大吏鐫
秩仍入都改補吏部文選司主事遷稽勳司員外郎轉
戶部山西司郎中乙巳年六十有六恭預千叟

恩宴庚戌八月文恭趨

朝亦年垂九十歛獻道舊出所攜政草一編閱之文恭謂興
利除弊懲訟息爭無一不以教養斯民爲已任而平生
之學問文詞不出以告人黜華崇實視彼簿書刀筆筐
篋之爲者相距甚遠不負夙昔之期許轉恨其非少壯
也於是年九月引年致仕家居九載年八十一卒 黃巖
志循績傳

劉佳琦字步韓一字相州世寧子性醇篤幼讀書不喜
爲詞章之學庚寅援例入國學癸巳四庫全書館開用
薦克謫錄生甲午川運例開遵納府經歷分發四川委

任綿州州判南部巴縣丞壬寅調署南川縣丁未調補
富順縣時西藏廓爾喀與喇嘛構釁隨大學士孫文靖
進勦行萬里盛夏積雪凝冰滑足落窖中以繩引出以
勞績升大竹知縣嘉慶元年丙辰九月達州白蓮教匪
徐添德煽亂逼近大竹築城濬濠訓練鄉勇親赴邊界
堵截賊竄梁山復回達州適川督兵至率勇助戰賊敗
卽駐風箱埡防守口糧不給發附近社穀支應調赴大
營署理達州篆仍兼大竹篆賊攻破東鄉縣大竹戒嚴
艱民奔赴州城以鄉勇八千分據要害賊至羅江口聞

有備而遁賊又由小尖山來犯據要以守日張旗幟夜
燃火炬以爲疑兵賊果畏阻論功陞補達州知州地當
川東北之中爲轉運總匯之所籌運軍火糧餉經畫井
然幕府倚以爲重戊午六月總兵許公追賊至達州界
之趙家場督鄉勇馳赴夾擊遂獲全勝七月瘴發於背
御州事經畧大臣川督勒公仍令經理軍務力疾視事
瘡潰如盃醫人束手忽夢人誦陸龜蒙句行歇每依鴉
白影因用鴉白葉而愈旋接州篆己未幕府行堅壁清
野之法不數月而事舉各州縣仿行之賊無所掠百姓

盡居寨砦賊多則上寨防守賊少則下寨殺之賊勢日
衰幕府奉

旨詢問川省官時以二劉並稱云庚申九月賞給知府銜十
一月聞父喪請委員接篆

奏請墨經從戎辛酉壬戌大功將次告成奉

上諭陞署綏定府癸酉三省肅清

恩賞花翎軍興八載綏定習於兵革至是始復修文教治贊
舍忠義節孝祠葺通川書院貯四鄉義穀招人墾種自
改府設縣善後事宜悉心籌度乙丑調補成都府知府

丁卯

陸見旋蜀署鹽茶道辛未秋請咨回籍後終湖南安福官署
楊濟字康亭新淦人國學生援例入貲授鹽課大使乾
隆癸未分發直隸長蘆署蘆臺等處護理滄州運判丙
戌補嚴鎮場大使濟貌豐碩南人北像

上擬改授知縣以禮貌尚疎而止仍發鹽場學習丁亥庚寅
海濱頻遭水患

朝廷發帑并鹽場徵款施賑濟短衣履泥淖中以勤慎稱
工部尙書裘文達奉

命捕蝗巡視疾苦濟率捕甚力議敘

賜緞疋荷包鹿麕湯羊辛卯

駕謁孔林道經天津監造工竣膺

覃恩由州判加級

封其祖父後丁父艱以疾終於家

據呈冊新編

王應樞字光辰新淦人舉乾隆壬午鄉試任貴州安平
知縣調畢節縣初署廣順州蠻夷雜處訟無畱獄調畢
節除採買平市價革里差人感其惠應樞少日敏於爲
文具有根據門弟子著錄者半邑屋尤好立名行筮仕

黔中愛人下士士論翕然稱之年五十八卒於官據呈

册新編

讚曰給諫官方簡襄戰捷陸斬蛇巫謝張虎獵藝推秉

器達乃明發白首馮唐崢嶸選法

往其願安翁丁文題以迄終始末

平恩山陝世味題

清儒具林履辨天時以我工致爾

如嫌以書以海海島李辛則

中則則選外之書書南其代系錄

